



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XV. Quod si qui ecclesias simoniace fuerint adepti, & hoc sit notorium, eis debent priuari. Si vero notorium non sit nec publicum, & tamen postea laborent infamia, cum violentia manu vel vi, canonica ...

urn:nbn:de:hbz:466:1-15588

C A P. XV. *Idem Cestrensi episcopo.*

Insinuatum est auribus nostris, quod dum episcopatus tibi commissus vacaret, in ecclesiis eius plurimi sunt instituti, qui per simoniam dicuntur habere ingressum, & infamia respurgi. Vnde quoniam indignum est, vt in tali crimen vel tam turpis suspicione remanerent, F. T. &c. quatenus si qui fuerint in prædictis ecclesiis, quos publicum sit & notorium simoniace intrasse, eos ab ecclesiis taliter acquisitis, appellatione cessante, amoureas: illis autem quorum crimen non est publicum & notorium, si publica laborant infamia, cum quinta manu vel sexta sui ordinis, infra quadraginta dies post harum susceptionem, purgationem indicas: in qua si defecerint, beneficiis ecclesiarum sibi commissarum perpetuo priues, prouisurus attentius,

Quæ perso- vt tales personas ad eorum purgationem recipias, de qui-
fione ad bus verisimile sit, quod non debeat alicuius rei obtenu-
admittenda. * deierare.

C A P. XVI. *Idem.*

Dilectus filius noster magister R. præsentium lator, in nostra præsentia constitutus, constanti nobis assertione proposuit, quod cum ipse Blesis sub magistro Husdrico scholas regeret, & se crederet de clementia sedis apostolica ab huiuscemodi precii exactione immunem, idem Husdricus, nostra constitutione contempta, fideiussores, quos apræfato R. de precii solutione receperat, pro eodem prelio spoliare præsumpsit. Quia igitur grauiter nimis excedit, qui apostolicis obuiat institutis, D. T. &c. quatenus utraque parte coram te conuocata, veritatem diligenter inquiras: & si ita inueneris, memoratum Husdricum monneas, & ecclesiastica distictione cogas, vt ea quæ de fideiussoribus ipsius R. abstulit, appellatione cessante, cum omni integritate restituat, eosque ab eadem fideiussione prorsus absoluat, ne de cetero ab ipso R. vel aliis pro magisterio scholarum quidquam exigere vel extorquere præsumat: sed eum Blesis, quamdiu voluerit, scholas sine aliqua molestia vel exactione regere patiatur.

C A P.